



SLUŽBENE NOVINE OPĆINE GORAŽDE

Godina - IV

07. Oktobar 2011. godine
GORAŽDE

Broj - 8

0738

Na osnovu člana 2.12 tačka (6). Izbornog zakona Bosne i Hercegovine („Službeni glasnik Bosne i Hercegovine“ broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i članova 18. i 84. Statuta Općine Goražde („Službene novine Bosansko podrinjskog kantona Goražde“, broj: 13/07), Općinsko vijeće Općine Goražde, na svojoj 34. redovnoj sjednici, održanoj dana 29.09.2011. godine, **d o n o s i:**

O D L U K U **o razrješenju člana Općinske izborne komisije** **Općine Goražde**

Član 1.

ĆULOV MEHMED razrješava se funkcije člana Općinske izborne komisije Općine Goražde.

Član 2.

Ćulov Mehmed se razrješava članstva istekom perioda predviđenog članom 2.4. Izbornog zakona Bosne i Hercegovine i članom 9. tačke 1.i 2. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini.

Član 3.

Centralna izborna komisija Bosne i Hercegovine daje pisanu saglasnost na Odluku o razrješenju člana Općinske izborne komisije Općine Goražde.

Član 4.

Ova Odluka stupa na snagu po dobijanju saglasnosti od Centralne izborne komisije Bosne i

Hercegovine, a bit će objavljena u „Službenim novinama Općine Goražde“.

Broj: 01-02-5040

Goražde, 29.09.2011. godine

ZAMJENIK PREDSJEDAVAJUĆEG VIJEĆA

Aida Obuća, dipl.prav.

0739

Na osnovu člana 2.12 tačka (5). Izbornog zakona Bosne i Hercegovine („Službeni glasnik Bosne i Hercegovine“ broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), člana 7. stav 1. tačka d) Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini i člana 18. i 84.Statuta Općine Goražde („Službene novine Bosansko podrinjskog kantona Goražde“, broj: 13/07), Općinsko vijeće Općine Goražde, na svojoj 34. redovnoj sjednici, održanoj dana 29.09.2011. godine, **d o n o s i:**

O D L U K U **o imenovanju jednog člana Općinske izborne** **komisije Općine Goražde**

Član 1.

Za člana Općinske izborne komisije Općine Goražde, nakon provedene procedure propisane Zakonom i Uputstvom, imenuje se:

1. POPOVIĆ DŽEMAIL.

Član 2.

Centralna izborna komisija Bosne i Hercegovine daje pisanu saglasnost na Odluku o imenovanju člana Općinske izborne komisije Općine Goražde.

Član 3.

Mandat člana Općinske izborne komisije Općine Goražde traje sedam godina, a teče od dana davanja saglasnosti Centralne izborne komisije Bosne i Hercegovine na Odluku o imenovanju jednog člana Općinske izborne komisije Općine Goražde.

Član 4.

Ova Odluka stupa na snagu po dobijanju saglasnosti od Centralne izborne komisije Bosne i Hercegovine, a bit će objavljena u „Službenim novinama Općine Goražde“.

Broj: 01-02-5041
Goražde, 29.09.2011. godine
ZAMJENIK PREDSJEDAVALAČA VIJEĆA
Aida Obuća, dipl.prav.

0740

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“), broj: 13/07 i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“, broj: 02/00,16/06 i12/09), Općinsko vijeće Općine Goražde, na 34. redovnoj sjednici, održanoj dana 29.09.2011. godine, **d o n o s i:**

O D L U K U
o dodjeli kreditnih sredstava „A – S“
COMPANY d.o.o. Goražde iz Namjenskog
depozita Općine Goražde u cilju bržeg
zapošljavanja na području Općine Goražde

Član 1.

Odobravaju se kreditna sredstva „A–S“ COMPANY d.o.o. Goražde iz Namjenskog depozita Općine Goražde u cilju bržeg zapošljavanja na području Općine Goražde u iznosu od 40.000,00 KM (četrdeset hiljada konvertibilnih maraka) pod sljedećim uvjetima:

- Rok otplate je 60 mjeseci od dana početka korištenja kreditnih sredstava,
- Kamatna stopa je 3% godišnje, uz obračun i plaćanje mjesečno unazad, najkasnije do sedmog dana u mjesecu za protekli mjesec,
- Za dodijeljenih 40.000,00 KM (četrdeset hiljada konvertibilnih maraka) korisnik kredita je obavezan uposliti pet radnika sa kojim zaključuje

ugovor o radu i zadržati ih u radnom odnosu najmanje dok traje otplata kredita.

Član 2.

Korisnik kreditnih sredstava „A–S“ COMPANY d.o.o. Goražde se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenih radnika pod uvjetima iz člana 1. ove Odluke i to obrazac od specifikacije za isplatu plaća, ovjeren od strane nadležne porezne uprave ili uvjerenje o uplatama poreza i doprinosa za uposlenog radnika uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke „A–S“ COMPANY d.o.o. Goražde će obezbjediti dva žiranta prihvatljiva za Privrednu banku Sarajevo i hipoteku na nepokretnoj imovini.

Član 4.

„A–S“ COMPANY D.O.O. Goražde je obavezan da sredstva dugoročnog kredita vraća u jednakim mjesečnim anuitetima na transakcioni račun broj :101140000001617 kod Privredne banke Sarajevo, do sedmog dana u mjesecu.

Član 5.

U slučaju nepoštivanja odredaba ove Odluke od strane „A–S“ COMPANY d.o.o. Goražde, kredit se u tom momentu smatra u cijelosti dospjelim za naplatu i banka će poduzeti sve zakonske mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke, kojim će se regulisati bliža prava i obaveze ugovornih strana.

Ukoliko se ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-5042
Goražde, 29.09.2011. godine
ZAMJENIK PREDSJEDAVALAČA VIJEĆA
Aida Obuća, dipl.prav.

SADRŽAJ

0738	O D L U K U o razrješenju člana Općinske izborne komisije Općine Goražde	480
0739	O D L U K U o imenovanju jednog člana Općinske izborne komisije Općine Goražde	480
0740	O D L U K U o dodjeli kreditnih sredstava „A – S“ COMPANY d.o.o. Goražde iz Namjenskog depozita Općine Goražde u cilju bržeg zapošljavanja na području Općine Goražde	481
0741	O D L U K U prihvatanju ponude Todorović Mira za kupovinu građevinskog zemljišta	482
0742	O D L U K U o davanju u zakup garaže u vlasništvu Općine Goražde	482
0743	ZAKLJUČCI	483

0741

Na osnovu člana 13 Zakona o principima lokalne samouprave u Federaciji Bosne i Hercegovine ("Službene novine F BiH", broj 49/06) i člana 18. i 84. Statuta Općine Goražde ("Službene novine Bosansko-podrinjskog kantona Goražde", broj:13/07), Općinsko vijeće Općine Goražde, na 34. redovnoj sjednici, održanoj dana 29.09.2011. godine,

d o n o s i:

O D L U K U
o prihvatanju ponude Todorović Mira za
kupovinu građevinskog zemljišta

Član 1.

Prihvata se ponuda Todorović Mira od 02.09.2011 godine, zavedena pod brojem 08-1-31-4620/11, kojom Općini Goražde nudi kupovinu zemljišta u naselju Obarak u Goraždu po ponudenoj cijeni od 10,00 KM po 1 m², na kojem je izgrađen pristupni put u ovom naselju.

Član 2.

Odobrava se kupovina građevinskog zemljišta iz člana 1. ove Odluke, koje je u katastarskom operatu označeno kao:

- k.č. 1204/2 zvano "Staro Guvno", po kulturi voćnjak 3. klase, u površini od 217 m², upisane u Pl. br. 2376/02 KO Goražde I, na ime Todorović (Marinka) Miro, sa 1/1 dijela posjeda, po cijeni u ukupnom iznosu od 2.170,00 KM (dvije hiljade sto sedamdeset konvertibilnih maraka).

Član 3.

Novčana sredstva iz člana 2. ove Odluke obezbjedit će se iz Budžeta Općine Goražde sa ekonomskog koda 821 111 - nabavka zemljišta.

Član 4.

Ovlašćuje se načelnik Općine Goražde da zaključi kupoprodajni ugovor sa prodavcem, s tim što će Općina Goražde snositi sve troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u „Službenim novinama Općine Goražde”.

Broj: 01-02-5043
Goražde, 29.09. 2011.godine
ZAMJENIK PREDSJEDAVAJUĆEG VIJEĆA
Aida Obuća, dipl.prav.

0742

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde („Službene novine Bosansko-podrinjskog kantona Goražde“, broj: 01/08 i „Službene novine Općine Goražde“, broj: 03/08, 01/09, 04/10, 5/11 i 06/11), Općinsko vijeće Općine Goražde, na 34. redovnoj sjednici, održanoj dana 29.09.2011.godine,

d o n o s i:

O D L U K U
o davanju u zakup garaže u vlasništvu Općine
Goražde

Član 1.

Općina Goražde neposrednom pogodbom daje u zakup na određeno vrijeme, na rok od 5 godina, garažu broj 7, koja se nalazi u ulici 1. Drinske brigade b.b. u Vitkovića, **Radmilović Suvalu** iz Vitkovića za smještaj putničkog vozila uz mjesečnu zakupninu od **15,00 KM+PDV 2,55 KM**, što ukupno iznosi **17,55 KM**.

Član 2.

Ovlašćuje se načelnik Općine da zaključi ugovor o zakupu garaže iz člana 1. Ove Odluke, kojim će se regulisati bliža prava i obaveze ugovornih strana.

Član 3.

Ukoliko Općina Goražde sa licem iz člana 1. ne zaključi ugovor o zakupu ove garaže u roku od 30 dana od dana stupanja na snagu ove Odluke, ista prestaje da važi.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-5039
Goražde, 29.09.2011. godine
ZAMJENIK PREDSJEDAVAJUĆEG VIJEĆA
Aida Obuća, dipl.prav.

0743

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde, na trideset četvrtoj redovnoj sjednici, održanoj dana 29.09.2011. godine, **d o n o s i:**

Z A K L J U Č A K

1. Usvaja se Izvještaj o privremenom korištenju javnih površina u skladu sa Elaboratom o javnim površinama za period 2010-2011. godina.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-5045

Goražde, 29.09.2011. godine

ZAMJENIK PREDSJEDAVAJUĆEG VIJEĆA

Aida Obuća, dipl.prav.

0744

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset četvrtoj redovnoj sjednici, održanoj dana 29.09.2011. godine, **d o n o s i:**

Z A K L J U Č A K

1. Izvještaj o finansijskim efektima u saniranju nastalih šteta u općini Goražde izazvanih poplavama iz decembra 2010. godine vraća se na doradu, te se obavezuje predlagač da dopuni i doradi Izvještaj u pogledu sljedećeg:
 - Da se na transparentan način izvrši prikaz prihoda, tj. svih donacija, kako finansijskih, tako i robnih, sa imenima donatora i iznosima donacija,
 - Dostaviti odluke od kada do kada je proglašeno stanje elementarne nepogode – poplave,
 - Dostaviti podatke koliko je održano sjednica Općinskog štaba civilne zaštite,
 - Dostaviti odluke koje su donesene na sastanku Općinskog štaba civilne zaštite.
2. Rok za realizaciju ovog Zaključka je naredna sjednica Općinskog vijeća.

3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-5047

Goražde, 29.09.2011. godine

ZAMJENIK PREDSJEDAVAJUĆEG VIJEĆA

Aida Obuća, dipl.prav.

0745

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset četvrtoj redovnoj sjednici, održanoj dana 29.09.2011. godine,

d o n o s i:**Z A K L J U Č A K**

1. Da se tačka 8. dnevnog reda 34. redovne sjednice – Odluka o stavljanju van snage Odluke o participaciji Općine Goražde političkim strankama u rješavanju pitanja sjedišta stranki, skine sa dnevnog reda 34. sjednice i da se dostavi za narednu sjednicu Općinskog vijeća, zajedno sa prijedlogom Odluke kojom će se riješiti pitanje prostora političkih grupa koje participiraju u Općinskom vijeću Općine Goražde, a sve u skladu sa članom 19. Poslovnika o radu Općinskog vijeća Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-5048

Goražde, 29.09.2011. godine

ZAMJENIK PREDSJEDAVAJUĆEG VIJEĆA

Aida Obuća, dipl.prav.

0746

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde, na trideset četvrtoj redovnoj sjednici, održanoj dana 29.09.2011. godine, **d o n o s i:**

Z A K L J U Č A K

1. Usvaja se Izvještaj o realizaciji zaključaka sa prethodne, 33. redovne sjednice Općinskog vijeća Općine Goražde.

2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-5044

Goražde, 29.09.2011. godine

ZAMJENIK PREDSJEDAVAJUĆEG VIJEĆA

Aida Obuća, dipl.prav.

0747

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset četvrtoj redovnoj sjednici, održanoj dana 29.09.2011. godine,

d o n o s i:**Z A K L J U Č A K**

1. Zadužuje se nadležna općinska služba Općine Goražde da u skladu sa Zakonom o mjenicama („Službene novine Federacije BiH“, broj:32/00), preispita i predloži Općinskom vijeću Općine Goražde mogućnosti obezbjeđenja plaćanja putem mjenica korištenje javnih površina na području Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-5046

Goražde, 29.09.2011. godine

ZAMJENIK PREDSJEDAVAJUĆEG VIJEĆA

Aida Obuća, dipl.prav.